

44-32-a-7

# GENEALOGIA

RANZOVIANA,

PRIMUM PUBLICATA,

Anno Domini

M. D. LXXXV.



Cicero.

Tantam vim atq; necessitatem possidet pater-  
nus maternusq; sanguis: vt si quod decus ex eo  
profectum non intermori: si qua macula  
verò inde concepta, non facile  
elui possit.



Idem.




*Semper ita senserunt Sapientes, in heroicis familijs vim natura  
præstantiorem esse, quàm in reliqua multitudine, &  
virtutis semina generatione commu-  
nicari liberis.*

Euripides.

Egregia & insignis inter homines nota, bona stirpe  
nasci & successu augetur nobilitatis no-  
men hominibus dignum.

14  
24  
31  
45

RANZOVIÆ CLYPEVS REFE-  
rens insignia gentis.



*Ranzouij rubra est Clypei pars dextra, sinistra est  
Candida, sed caesis cornua bina gerit.  
Cornua sunt robur, Martis color alter, & alter  
Pacis: utrumq. satis nobilitate decet.  
Forma quid hæc simplex: simplex fuit ipsa vetustas.  
Simplicitas formæ stemmata prisca notat.*

No.



Nobilis ac vetusta familia Ranzouiorum, inter reliquos nobiles Cymbros, Holsatiam ac Ducatum Slesuicensem qui incoluerunt, nostra ac patrum memoria celebris exitit. Nam cum Adolphus III. comes Schovvenburgensis ac Holsatiæ, monasterium Reinfeldense fundavit & extruxit Anno Christi 1186. præter suum, præcipuorumque Holsatiæ nobilium insignia ordine appendi fecit ibidem, ita ut Comititis insigne sibi primum, Ranzouiorum vero secundum locum vendicaret, quæ deinde reliquorum Holsatiæ nobilium insignia sequuntur. Sic etiam incisa, qua priuilegia Holsatica asseruantur, primo loco ducum Slesuicensium, Comitum Holsatiæ, nec non Episcopatus Lubecensis & Slesuicensis insignia picta conspiciuntur, post hæc proximus locus armis Ranzouicis assignatus est. In Archiuis quoque Plonensium, priuilegium quoddam extat, in quo ipsis ius Lubecense ab Adolpho IIII. Schovvenburgensi concessum est. Anno Christi 1236. quod præter comitem duo quoque Ranzouij tanquam testes, sigillis suis confirmarunt. Ex hac familia etiam nonnulli Innocentij VII. Pontificis confirmatione vsi Canonikatuum Hamburgi pro posteris erexerunt. Ranzouios etiam non minus gratia apud Holsatos, quam autoritate atque opibus valuisse, id vel inde colligi potest, quod à Dithmaris anno 1404. iniquitate loci circumuenti & caesi, ut Ranzouium & Pogvviscum redimerent, oportunam munitionem Delbruggen, quæ prælustribus viris, ut occuparetur constiterat, & prasidio valido tenebatur, hostibus Dithmaris consentientibus principibus & totius nobilitatis flore, reddiderunt. Neque in patria solum gratiosos sed exteris quoque notos & charos fuisse, documento est diploma Alberti II. Imperatoris Anno Christi 1439. datum, quo societatis suæ sue ordinis insigne, nempe Draconem & Crucem Adolpho duci Slesuicensi ultimo ex Schovvenburgensium familia confert, eidemque mandat, ut cum Schackone Ranzouio communicet. His constat, Ranzouiorum familiam, quantum ad vetustatem, decus ac res gestas attinet, reliquos non fuisse inferiores.

Ex hac illustri nobilium prosapia patrum ac nostra memoria nati sunt Reuerend. Princeps Balchazarus Episcopus Lubecensis ac Præpositus Slesuicensis D. Ioannes Ranzouius eques auratus, Daniel Ranzouius Serenissimorum Daniæ Regum Frederici I. Christierni III. & Friderici II. primarij copiarum militarium ductores ac præfecti, nec non præter hos, alij Regij per Holsatiam legati siue Vicarij, oratores ac consiliarij, tam pacis quam belli tempore insigne, squi adhuc sunt superstites. Et nihil aliud est familia hæc, quam bellicosorum militum & magnanimorum ducum quasi perpetuum seminarium, possideretque arces munitas, castra, prædia ac nobilium domicilia 35. quæ in regno Daniæ ac Noruegiæ in ducatu Sles-

uicensi Holfatiz, Luneburgensi ac inferioris Saxoniz sunt sita, & in illis iurisdictionem habet minorem, ac maiorem, id est, Capituli, quemadmodum comites ac Barones in Germania: Cum qua libertate tota Cymbrica ac Danica nobilitas suis possessionibus fruitur.

Has prædictas possessiones sine mascula virtute non acquisuerunt, neque tam diuturno tempore fuerunt tutati, vt maxima pars Ranzouiorum censum Equestrem Romanorum, nempe Cæsaris Augusti tempore decem millia coronatorum in bonis & parata pecunia habeat: Nonnulli horum censum Senatorum nempe 25000. coronatorum adæquent vel etiam excedant, multis interim ad aliquot centena millia progressis. Nam ex hac familia quidam nostro tempore Reginz Angliz, Regi Daniz, ciuitati Antuerpiensi, Gandauensi, Lubecensi & Hamburgensi aliquot centena millia thalerorum fere vno eodemq; tempore mutuò dedit.

Hoc etiam monendum esse duxi, quod nomina huius familiz. Caius, Antonius, Breido, Schacko, Codschalcus, Ottho, Henricus, Gerhardus, Sigefridus, Hansius, VVoldemarus sint gētilitia & vetera: Balthasarus autem Melchior, Daniel, Caspar, Petrus, Paulus, Christophorus, Hieronymus, & Nicolaus, sint assumpta, cum Cymbricæ regiones Christianam colere religionem cœperunt, post Caroli Magni tempora circa annum domini 834. cum Ludouicus Caroli filius, Episcopalem sedē trans Albim in loco Hammaburg instaurauit, vt Carolus Magnus illud decreuerat, quem admodum literæ Ludouici, Aquisgrani eo anno datæ testantur. Vnde etiam patet, quod Cymbri, Christianæ religioni vltra 600. annos vere additi non fuerint. Holfatiam autem & vicinas regiones, Cymbricam Chersonesum à Romanis fuisse vocatam, patet ex Tacito, Plinio, Strabone, & Ptolemæo, præsertim vbi Ptolemæus recenset extensionē Cymbricæ post Albim fluuium, & vbi commemorat altitudinem polarem vrbs Trauenæ 54. G. 40. min. quæ fere conuenit, paucis exceptis minutis cum altitudine polari fluuij Trauenæ, & oppiduli Trauemundæ, vbi Trauena Oceanum illabitur. Exstitit autem hæc familia etiam ante Caroli Magni tempora in his Cymbricis oris, quodq; eorum res gestæ interciderunt, magis temporum iniquitati, quam ipsis ascribendum est, eo quod Cymbri Martium animum nimis serò ad literas adiecerunt & fortes esse potius quam dici maluerunt.

**HI TRES SEQVENTES, A QVIBVS INI-  
tium huius Genealogia ducitur, fuerunt fratres  
aut patruels.**

**O T T O** ———

Dominus quondam in Salz-  
zovv, Ranzou, Sclage, & Lan-  
cker, nec non bonorum in terra  
Oldenburgensium iacentium, quæ  
posterius eius adhuc possident.

**G O D S C H A L C V S** ———

Huius posterius sub sig-  
no † infra recensetur:

Hic habuit filios duos.

**C A I V S**

Huius posterius enu-  
merabuntur infra  
sub signo \*

**D. B R E I D O.**

Fuit eques auratus, cuius posterius ob-  
tinent Neuerstorff & Hogenfelde, ex  
quibus nati sunt Henningus, Breido  
& Nicolaus in Neuerstorff, nec non  
Daniel, qui fuit præfectus militum in  
beilo auctico, modo regis Daniæ Fri-  
derici II. Confiliarius, & Præpositus  
monasterij Vterfen, qui dimidiâ par-  
tem castri Sehgarten in dotem acce-  
pit, & adhuc superstes est cum duobus  
filijs videlicet Hansio, qui agit annû  
18. & Frâncisco, qui ingreditur annum  
11. Vxor eius Dorothæa Alefeldia est,  
Ipse Daniel agit annum ætatis 31. na-  
tus Anno Christi 1534.

**D. S C H A C K O.**

Eques auratus, ab Imperatore Alberto, e-  
ques sui ordinis, cuius in signe fuit Draco  
cum cruce, electus est in principio Anni  
Dom. 1439. Diploma imperatorium, cu-  
ius vigore Dux Slesuicensis Adolphus, &  
hic Schacko eo ordine donati sunt, in ho-  
diernum vsq; diem in Archiujs Gotter-  
piensibus asseruatur. Sepultus est in Gi-  
kovv: In Insulam Vemerensem dux belli ex-  
pugnauit an. 1416. Hic Schacko 5. filios  
habuit, vt sequitur, qui vixere circa annû  
Chr. 1469. vt patet ex literis confœderatio-  
nis, quam nobiles Holsatiæ inter se inie-  
re contra vicinas ciuitates, & quoslibet  
alios sibi contra ius vim inferre volentes.  
cui 24. nobiles huius familiæ subscripse-

re, Hi quinq; filij inter se diuisere bona teræ Oldenburgensis, vt Saltzovv, Klam-  
pæ, Lammershagen, Rastorp, Siggem, Budlosen, Bredovv, Loërtorp, Pancker,  
Helmsfede, Quernebeck, & Marutendorp.

**N I C O L A V S, C A I V S, H A N S I V S, H E N R I C V S, H A R D V I C V S,**

Hic dedit cœnobio Pretziensi qui obiit 1485. cuius vxor Ca-  
præter cætera dona militare 2. Octob. sepul-  
tharina Po-  
munus nempe 28 equos: Ex cu-  
tus in monaste-  
ius posteris Nicolaus Ranzo-  
rio Preitz.  
uius, qui in bello, quod Chri-  
stiæ Rex cum.  
Lubeccensibus gessit, tribunus militum fuit, & cum duobus co-  
horribus sub Martino Rossemio in Belgium & Galliam se con-  
tulit, deinde præfectus Peinenensis factus, mortuusq; Lubeccæ, an-  
num agens 77 31. Augusti, An. Dom. 1584. sepultusq; ibidem in  
monumẽto Ranzouiorum, quod Henricus Ranzouius filio suo  
Theodoro extrui antea curauerat. hic reliquit fratrem Christo-  
phorum qui adhuc est superstes natus anno Christi 1503. cum  
duobus filijs Benedicto & Christophoro dominis in Tunderen,  
Quernebeck, Marutendorff & Cluuenfide.

Huius abnepos  
fuit Nicolaus  
Ranzou. cubicu-  
larius V Vilhel.  
Lädgrauij Haf-  
siæ, qui in vena-  
tione apri in-  
terficiens, eius-  
dẽ ictu. rursus  
occubuit, Cassæ-  
liæq; à Lädgra-  
uio sepultus est  
An. Dom. 1583.

## HENRICVS

**HANSIVS**, cuius vxor Margaretha Borchtorpia Dominus quondam in Nienhus, quā ipse primus funditus ædificauit. Fuit vir doctus ac Canonicus Lubecensis. Canonicatum tamē resignauit, ac postea Haderslebij obiit, vbi quoq; in Monasterio sepultus est. Reliquit septem liberos, qui omnes Daniz Regum Friderici I. & Christiani III. Regij Vicarij, Oratores & Consiliarij facti sunt. Huius posteros vide sub signo (?)

**D. OTTHO**, Eques aurtus (Anna de Breiden vxor) Dominus quondam in Bulcke & Knope, & Regis Daniz Iohannis Senator fuit. Humatus est Chilonij in æde D. Iacobi in delubro Ranzouiorum, anno 1511. vbi etiam conditi sunt eius filij. Hic Ottho castrū Bulcke funditus ædificauit: & filij eius fuerunt.

**CHRISTOPHORVS** præfectus olim arcis Tunderesis (cuius vxor fuit Anna Ranzouia de Pudlos) Hic Christophorus & Henricus reliquere liberos qui adhuc supersunt & possident bona Bulcke, Knope, Sehekamp, Borchorst & Schenckel, inter quos Melchior, q. Dorotheam Ranzouia de Quernebeck vxorem duxit, castrum Salevvick pro Tuschovv à regia maiestate Daniz, titulo permutationis ad se transtulit.

**HIERONYMVS**, cuius vxor Margaretha Borchtorpia absq; liberis decessit.

**HENRICVS**, (cuius Magdalena Reuentlovia vxor fuit.)

(?) *HIC ORDINE SEQUUNTUR HANSII  
Filij, Henrici nepotes, Schackonis Pronepotes, Oithonis, à quo linea incepta est, abnepotes.*

**I. CASPARVS** Margarethæ Ranzouiz de Neuerstorff maritus, quondam Dominus fuit in Smolde, nec non Regis Daniz Consiliarius & præfectus Flensburgensis, sepulturæ mandatus est Haderslebij, Anno ætatis 77. vñà cum vxore in æde sacra prope chorū. Reliquit I. filios, Henricum & Iohannem, quorum hic adhuc viuit & cum vxore castrum Hasselborch

borch & Musckentin in dotem accepit, nec non administrationem præfecturæ Rendespurgenfis obtinet, Regius quoq; in Holsatia Consiliarius electus, & agit nunc annū 74. Henrici verò hæredes qui possident Schmolde, sunt hi, Casparus, Ioachimus & Hansius.

2. MELCHIOR Regis Daniæ Christiæni III. aulæ præfectus siue Marischalcus, ipsiq; charus fuit. Nam hoc fatis erepto, dixisse fertur, legemam ex corona amisisse. Obijt Iuuenis & cœlebs, Anno Christi 1559. Fuit admodum disertus, linguarq; Latinæ non imperitus: Sepultus est Haffniæ eo loco, qui coronationi Daniæ Regum deputatus est. Hic bello Lubecensi clarus fuit.

3. BALTHASARVS Episcopus Lubecensis, & præpositus Slesuicensis, nec non Christiani III. Daniæ Regis consiliarius fuit, captus est à quodam nobili, Regi inimico & in captiuitate vitam cum morte commutauit, cum per 11. Annos Episcopatus summa cum laude præfuisset, Anno 1547. ætatis 49. Fuit vir insigniter doctus.

4. BREIDO, (cuius vxor Catharina Heister) hæres in Bolgenstede & Reduuisch à Rege Daniæ Christiano in Frisiam missus est cum copijs equestribus ac pedestribus, vt Capitaneum Menardum de Hamme obsidione solueret, à domino Georgio Scenckio autem Caroli V. gubernatore Phrisio captus fuit. Vir etiam eloquens, nec non in Ducatibus Holsatiæ, &c. locum tenens Daniæ Regis, Præpositusque Prietzensis fuit, obiit Anno 1562. 13. Octobris, ætatis 56. sepultusque est in Parochia sua Eggebeke.

5. HENRICVS hæres in Effelsmarck & Sarvvisch (vxor Dorothea VVonnischled) fuit Adolphi Ducis Holsatiæ Consiliarius & Præfectus Gottorpiensis, sepultusq; est Roslebij anno Christi 1561. 8. Februarij, sexagenarius ferè. Reliquit filium Hansium, qui bona paterna possidet, Dominusque est pro rata sua Castri Nienhus, & arcem Saxtorff cum vxore Margaretha Alefeldia ratione dotis est nactus. Habet 3. filios, Henricum, Marquardum, & Sifridum.

6. **SIFRIDVS** Dominus quondam castri Nienhus, Insulam Vemerensam, & præfecturam Haderslebiensem administravit. Fuit ducis Holstatiæ Ioannis consiliarius, & sepultus est in Gikovv, cœlebs obiit. Anno Christi 1576.

7. **OTTO** Margaretx Alefeldix maritus, hæres in Ranzovv & Schonnenvaide, adhuc existit in vivis cum 4. filijs **HANSIO**, **BALTHASARO**, **MELCHIORE** & **HENRICO**. Hic **OTTO** etiam certam partem castri Nienhus obtinet.





† **HACTENUS DE LINEA OTTHONIS, SEQVI-**

*tur nunc linea Godschalci, qui alter trium illorum, à quibus  
Genealogia initium ducitur.*

**GODSCHALCVS I.** adfuit tanquam testis confirmationi privilegio-  
rum monasterij Reinfeldenfis factæ à Gerhardo Duce Sleuicensi Anno  
1399. cuius Senator fuit, obiit anno ætatis 63.

**GODSCHALCVS II.** (cuius vxor fuit Elisabètha Schestede de Clu-  
uensick) vixit anno 1469. quod patet ex literis fœderis inter primores to-  
rius Hollatiæ isti, cui 24. nobiles huius familiæ subscripsere, in quibus  
literis fit mentio Godschalci Ranzouij, Godschalci filij. Ex quo colligi  
potest, tunc temporis multos etiam Ranzouios extitisse, quorum in hac  
genealogia non fit mentio. Hic Godschalcus vixit annos 63.

**ANTONIVS** (Druda Ranzouia Petri Ranzouij filia, vxor eius obiit An-  
no 1540.) Dominus in Nienhaue, quod castrum funditus extruxit : Fuit  
Friderici I. Regis Daniæ Consiliarius, & Præfectus Gottorpiensis, obiit  
anno 1533. Anno ætatis 63. in æde sua parochiali VVestensehe, vnà cum v-  
xore humatus est eleganti monumento muro inserto.

**CLARA**, nupsit Christopho-  
ro de Schulenborch domino  
quondam in Engeren & Be-  
zendorff, quæ heredes adhuc  
obtinent.

**GODSCHALCVS III.** (cuius vxor  
fuit Margaretha Bockvvaldia, Dominus  
extitit in Nevvenhaue, VVammendorp  
VVilstede, Christianiq; III. Daniæ Re-  
gis Senator fuit, Ambo in conditorio  
maiorum humati iacent in VVestense-  
he, attigeruntq; annum ætatis 63. Exces-  
sit autè è viuis Godschalcus anno Chri-  
sti 1564. 22. die Martij, quemadmodum  
ex monumento lapideo, quod in memo-  
riam eius posterì statui curarunt, patet.  
Vxor eius obiit eodem anno 22. Febr.

**HIC ORDINE SEQUUNTUR GODSCHAL-**  
*ci III. Filij, Antonij nepotes, Godschalci II. Pronepotes,*  
*Godschalci I. abnepotes.*

1. **DANIEL** Dominus quondam in Nienhaue & VVoldenhorn, in iuuenilibus annis Imperatori Carolo V. operam militarem præstitit, in expugnatione Dithmarsæ primum duarum cohortium ductor: Deinde Regis Daniæ Friderici II. summus belli dux contra Sueciæ regem designatus est, atque hoc munus in septimum vsque annum summa cum laude administravit, Regem Sueciæ aliquot prælijs superavit, exiguo exercitu ingentes hostium copias fudit, vt in campo Astorfheide 4. millibus, 26. millia hominum prostravit. Tandem in obsidione arcis VVarburgicæ, quæ paulò post deditione facta expugnata est, globo ex tormento æneo exploso per caput eius adacto expiravit, ætatis circiter annum 40. 11. die Nouembris, Anno Christi 1569. in parochia sua VVestensehe apud Maiores sepultus est, splendido monumento cryptæ eius instrato, vna cum alijs. Epitaphijs in memoriam ibidem erectis absque heredibus mortuus est. Desponsata ei fuerat Catharina à Damme, quâ postea ipsius frater Petrus in vxorem duxit. Linguam Latinam, Italicam Gallicam, Danicam ac Germanicam egregiè calluit.

2. **ANTONIUS** (vxor Heilvvigis Scheffede) heres quondam in VVilstorff fuit, quod prædium Regi Daniæ Friderico II. vendidit. Postea quoque post obitum fratris Danielis Castrum Nienhaue ipsi cessit. Hic adhuc viuit cum duobus Filijs **ANTONIO** & **GODSCHALGO**, qui literis dant operam & linguæ Gallicæ & Latinæ non imperiti existunt, Antonius (pater) iam agit annum 52.

3. **P E T R V S** (cuius vxor Catharina à Damme fuit) Dominus in Arensborch siue VVoldehorn, cuius fundamenta iecit prima, fossaque ac vallo munire instituit, & VVammendorff, quod pro Troteburg cum rege Daniæ Friderico II. permutauit, heres quoq; existit in Schirensche & Mollendorp, nec non regius Danicus Consiliarius, Præfectusq; Flensburgensis. Vxor defuncta Anno Christi 1577. 20. die Ianuarij: reliquit ei vnicum filium iâ 13. annorum, quem meritò fratris nomine Danielelem appellari fecit. Donatus est etiam à Friderico II. Daniæ rege ordine Danico nempe aureo Elephante cum turri, & natus est Anno Christi 1538.



b 1

HIG

*\* SEQUITUR LINEA CAII, XVI VLTIMVS  
est trium fratrum, à quibus Genealogia initium  
ducitur.*

C A I V S.

Dominus castri Crummendick & bonorú palustrium ac circa oppidū Itzeho iacentiū, sepultus ibidem in æde sacra Diui Laurëtij continua monasterio nobilium monialium, propè altare S. Trinitati dicatum. Hic diuisionem ordinauit inter comites Holfatiæ & Stormariæ, Anno 1397. quæ scripto comprehensa in hodiernum vsq; diem in Archiuis Gottorpiensibus in custodia habetur. Huius filius fuit.

B R E I D O.

Heres in Krummendick, cuius vxor fuit Druda Radlouia, quæ mortua est anno 1451. 24. Augusti, Ipse verò mortem obiit, anno 1440. eodemque loco Itzehoæ tumulatus est. Huius liberi sunt sequentes quinq;

1. PETRVS, qui bona prope Itzeho sita ad Castellum Krummendick quondam spectantia dicto monasterio Itzehoensi vendidit Anno 1480. filiam reliquit Drudam, cum qua Antonius Ranzonius matrimonium contraxit.

2. BARTHOLDVS, qui fuit Præpositus Hadelerienfis, Canonicusq; Bremensis, excessit è viuis Buxtehudæ, anno 1459. 8. Ianuarij, translatusq; Bremam, vbi in sacra æde Cathedrali sepultus, cum Epitaphio, quod Henricus Ranzonius regius Danicus vicarius renouari fecit. Hic Bartholdus si diutius vixisset forsitan etiam ad dignitatem Episcopalem Bremensem euectus fuisset.

3. HENRICVS I. hæres bonorum feudalium in Itzeho : quondam Hamburgensium præfectus in arce Steinborch, obiit Sexagenarius. Anno 1497. apud maiores sepulture mandatus. Huius vxor Olegardis Bockv vol dia fuit, quæ decessit Anno 1538. prope maritum condita est, Annos 41. vidua fuit : vitam ad annum 80. perduxit, filia Domini in Borstel & Syr-

Sydhagen, Huius liberi sequentur post Vuoldemarum & Mettam.

4. VVOLDEMARVS hæres in Krummendick, cuius posterii castrum Krummendick Seheftedijs vendiderunt. Et illorum stirps arefcet cum nulla masculi hæredis spes supersit.

5. METTA sine hæredibus defuncta, quamvis in matrimonio Reuēclauio nupta vixerit, coenobio Itzehoensi quinque millia Marcarum in testamento donauit, vt patet ex maiorum relationibus, & diplomatibus desuper confectis, nec non saxo sepulturæ ibidem instrato, obiit anno 2489.

### HIC ORDINE SEQUUNTUR HENRICI I. *filij quinq; & vna filia.*

1. BREIDO, qui in Dithmarsia fortiter pugnans periit Anno 1500. cū tribus alijs Ranzouijs, Cū rex Daniæ Iohannes hanc bello oppugnaret, vbi etiam tumulis obruti sub dio iacent. Nam honor sepulturæ, quem ipso- rum propinque & agnatæ moniales nobiles coenobij Itzehoensis eis tribuere instituerant, à Dithmarsis est negatus, Sed illustrium virorum sepulchrum omnis terra, & monumentum est non tantum inscriptio in tumulo, sed etiam non sculptæ honesta memoria, quæ Historijs non tumulis conseruatur.

2. PAVLVS Regis Daniæ Friderici I. aulæ moderator siue præfectus fuit, inq; florente ætate extinctus est, Anno 1521. Itzehoæ sub lapide sepulchrali humatus iacet: Reliquit filium quendam HENRICVM, qui aliquandiu castra secutus in Gallijs apud Martinum Rossium vnus equitum turmæ ductor fuit, aqua submersus periit, Slesuiciq; sepultus est Anno Domini 1546. ætatis 28.

3. CAIVS, cuius vxor fuit Ida Blomia de Schedorff, Dominus quondam in Hanrovv, Kledkampe & Cherubi, mortuus anno 1560. ætatis suæ 72. maiorum sepulchris illatus est. Fuit Duci Holsatiæ Adolpho à Con- filijs nec non præfectus Trittauensis: Vulneratus est in bello Lubecensi

tormento, cum propugnaculum Trauemunda ipsis creptum est. Filij ipsi fuere 4.

1. **HINRICVS** Canonicus Hamburgensis, nec non vir militaris, stipendium meruit sub comite Balthafaro de VVidmunde contra Bemenses. Hic ab obsidione vrbs Metensis cum Duce Holsatiæ Adolpho vnus turmæ equitum ductor discedens, apud Treuiros peste interijt, ibidemque in tēplo cathedrali sepultus est Anno 1553. monumento in memoriā eius posito.
2. **PAVLVS**, qui fuit signifer Caroli V. in bello contra principem Electorem Saxoniz prope Lipsiam gesto, ibidemque pestifera lue infectus perijt, ac in oppidulo Zeitz tumulatus est, fuit vir doctus, Iurisque non ignarus.
3. **MAVRITIVS**, cuius vxor fuit Barbara Sehestedtia, Dominus in Harrov & Holtenklincke, Ducis Holsatiæ Adolphi Consiliarius, præfectusq; Gortorpiensis, Dithmarsensis ac Reinbeccensis, & in expugnatione Dithmarsica ac Gotana vnus equitū turmæ ductor fuit. Hydrope correptus Lubecz obiit anno 1572. Itzehoā in sepulchrum maiorum translatus, monumento in memoriā eius, parieti iniuncto. Habuit vnicū filiū Caium, qui adhuc superstes agit annu ætatis 10.
4. **DETHLEVVS**, cuius vxor Margaretha Henrici Ranzouij de Satunisch filia, Dominus in Kletkampe & Cherubi, Ducis Holsatiæ Adolphi Consiliarius & præfectus Cismariensis habet filium, qui **CAIVS** appellatur, literisque incumbit annum ægens 15.
4. **DETHLEVVS** Canonicus Bemensis & Hamburgensis, Bononiz aliquandiu in studijs bonarum artium versatus, linguam Latinam addidit, postea Romam se conferens & ad reliquas dignitates ecclesiasticas cōtendens, ibidem mortuus est anno Christi 1504.
5. **CATHARINA**, quæ per 20. annos Abbatissæ munus in Cœnobio Itzehoenfi sustinuit, vixitq; annos 81. ac mortua est ann. 1564. 23. Ianuarij, vbi monumentum ei positum est, in perijstyliō eiusdem Cœnobij australi in Angulo.
6. **D. IOHANNES** Dominus in Bredenberg, Bodkamp, Sturenbagen, & Melbeck, Hierosolymis decore Balthei militaris insignitus est circa id tempus cum Zelimus Turcarum Imperator eam ciuitatem bello superasset, tribus Daniz Regibus summus bellorum dux ac intimis à consilijs fuit, Regis in super Daniz Christiani III. regias in Holsatia vices

gerens. Lubecam obsidione cinxit, aliquotque Lubecensium prope Oetinum profligauit. In Iutia Russicos seditiosos domuit, Nauarchū Clementem, qui semetipsum propria autoritate pro Rege gessit, cepit, capitisque supplicio affecit. Haffniam in Selandia etiam bis vnā cum alijs obsidione pressit. Seuerinum Norbium Regis Daniæ Christiani II. summum belli ducē patentibus in campis prælio in Scania superauit & cepit. Comites quoque aliquot in Fionia in loco Ochsenberg dicto, fudit: inter Imperatorem Carolum V. ac Daniæ Regem Christiernū III. Spiræ vna cū socijs legationis pacem composuit ac stabiliiuit anno 1544. Tandem cum Daniæ Rege Friderico II. nec nō Holsatiæ Ducibus Iohanne & Adolpho in Dithmarsiam expeditionem suscepit, eiusque belli dux fuit. Vixit annos 73. & mensem vnum, licet anno 72. ægrotare cœperit, placidè obiit anno 1565. 12. Decemb. Castra Bredenberch, & Bodtkampe precio suo emit & funditus ædificauit, quorum prius inter munitissima totius Holsatiæ recensetur.

H V I V S vxor fuit Anna Vvalstorpia vltima eius familiæ, vixit annos 72. obiitque anno 1582. 29. Decembris prope coniugem honorifice condita sub sepulchro splendido Itzehor, cum varijs Epitaphijs, quæ filij mœerentes Patri nec non ipsi statui curarunt. Vidit liberos nepotes ac pronepotes numero 48.

H V I V S

## HVIIVS IOHANNIS, EQVITIS aurati filij fuerunt.

**HENRICVS** Dominus in Bredenberg & vicarius regius, de quo pagina sequenti.

**PAVLVS** Dominus in Bodekamp. Lindenuith, Arleuat, Beyerfset & Scaphusen, Ducis Holfatiz Adolphij Confiliarius & praefectus Tritrauiensis, Reinbeccensis & Tremmelbutelensis fuit, eiusdemq; ducis vexillifer in ob-

sidione Metensi, nec non legatus, cum idem dux Adolphus bis mille equites ex mandato Philippi Regis Hispaniarum duci Albano adduceret. In iuuentute Alberti Marchionis primi, ducis Borussiz cubicularius fuit. Obijt in Reinebeck, Itzehoeque apud maiores honorifice tumulatus est, Anno 1579, annos vixit 51. Menses 5, dies 6. Nam natus Anno Christi 1527, 16. Octobris inter secundam & terriam horam de nocte.

### Eius filij sunt.

1. **GERHARDVS** ab alio quodam nobili Holfatiz gladio interemptus in singulari quodâ certamine altero etiam grauiter vulnerato. Ann. 1580. Otoniz, vbi etiam sepultus est circa id tempus cum Ducis Holfatiz Ducatum Slesuicensem, à Rege Daniz Frederico II. in feudum suscepere, ætatis ferè suæ 27. Latine, Gallicè & Italicè loquebatur expedite: Nam in Italia & Gallia litteris operam nauarat, natus Anno Christi 1554. in arce Bodtkampiana.

2. **CAIVS** sepultus Dresdz, Anno 1580. 9. Sept. ætatis 14.

3. **BREIDO**, ægens annum 22. natus An. Christi 1563.

4. **MELCHIOR** agens annu 20. in Vngaria contra Turcam militat, natus An. Christi 1565.

5. **OTTHO**.

6. **IOANNES** ægens ætatis annu 14. natus Anno Christi 1567.

7. **HENRICVS** versatur in literis, annum ægens 17. natus Anno Christi 1568.

8. **DANIEL**.

9. **BERTRAMVS**, annum ægens 19. natus Anno Christi 1569.